



## MATRÍCULA ANTICIPADA E ORDINARIA PROBA DE ACCESO Á UNIVERSIDADE CONVOCATORIA ORDINARIA - XUÑO DE 2016

A Orde do 24 de marzo de 2011 (DOG do 4 de abril de 2011), pola que se regulan as probas de acceso ás ensinanzas universitarias oficiais de grao e o proceso de admisión ás tres universidades do Sistema Universitario de Galicia (SUG), establece no seu articulado que o modelo de actuación e a organización das probas de acceso á universidade no Sistema Universitario de Galicia (SUG) será competencia da Comisión Interuniversitaria de Galicia (CIUG).

Sendo necesario realizar unha matrícula, a efectos organizativos esta **Comisión Interuniversitaria de Galicia (CIUG) RESOLVEU convocar a Matrícula Anticipada e Ordinaria** para a realización dos exercicios correspondentes á Proba de Acceso á Universidade, na **convocatoria ordinaria [xuño de 2016]**, conforme as seguintes

### B A S E S

#### 1.- QUEN SE PODE MATRICULAR, PRAZO DE MATRÍCULA, LUGAR E HORARIO

- A) **MATRÍCULA ANTICIPADA:** Poderanse matricular no prazo de Matrícula Anticipada, do 10 ao 27 de maio, as persoas que se atopen nalgunha das seguintes situacións:
- a) Alumnado dos centros de Bacharelato da C.A. de Galicia que teña aprobado o Bacharelato ou equivalente en anos anteriores, pero non a PAU.
  - b) Alumnado dos centros de Bacharelato da C.A. de Galicia que tendo aprobada a PAU desexe mellorar a súa cualificación.
  - c) Alumnado dos centros de Bacharelato de fóra da C.A. de Galicia que tendo aprobada a PAU desexe mellorar a súa cualificación. *(Deberá acreditar a súa residencia na C.A. de Galicia).*
  - d) Alumnado procedente de ordenacións educativas anteriores (PREU, COU, LOXSE, MÚSICA E DANZA) en posesión do Título de Bacharelato ou equivalente.
  - e) Alumnado de FP de anos anteriores que estea en posesión do título de TSFP, TS Artes Plásticas e Deseño ou T. Deportivo Superior ou equivalentes. Poderán matricularse unicamente da Fase Específica. *(O alumnado de centros de fóra de Galicia deberá acreditar a súa residencia na C.A. de Galicia).*
  - f) Alumnado de FP do ano en curso pertencentes a centros da C.A. de Galicia que estea en disposición de acadar o título de TSFP, Artes Plásticas e Deseño ou T. Deportivo Superior ou equivalente na convocatoria de xuño de 2016 e desexen realizar a Fase Específica da PAU. Deberán presentar certificación académica oficial provisional [Orde do 24 de marzo de 2011 (DOG, 4 de abril)].
  - g) Alumnado de anos anteriores en posesión do título de Bacharelato Europeo en virtude das disposicións contidas no Convenio polo que se establece o Estatuto das Escolas Europeas, feito en Luxemburgo o 21 de xuño de 1994 e/ou alumnado que obtiveran o Diploma do Bacharelato Internacional, expedido pola Organización do Bacharelato Internacional, con sede en Xenebra (Suíza), que desexe mellorar a súa cualificación. Poderán matricularse unicamente da Fase Específica. *(Deberá acreditar a súa residencia na C.A. de Galicia).*
  - h) Alumnado de anos anteriores procedente de sistemas educativos de estados membros da UE ou de estados cos que se teñan subscrito acordos internacionais aplicables ao respecto, que cumpran os requisitos esixidos nos seus respectivos sistemas educativos para acceder ás súas universidades, que desexe mellorar a súa cualificación. Poderán matricularse unicamente da Fase Específica. *(Deberá acreditar a súa residencia na C.A. de Galicia).*
  - i) Alumnado de anos anteriores en posesión de títulos, diplomas ou estudos equivalentes ao título de Bacharelato do Sistema Educativo Español, procedentes de sistemas educativos de estados membros da UE



ou de estados cos que se teñan subscrito acordos internacionais aplicables ao respecto, que non cumpran os requisitos esixidos nos seus respectivos sistemas educativos para acceder ás súas universidades, que desexe mellorar a súa cualificación. Poderán matricularse unicamente da Fase Específica. (*Deberá acreditar a súa residencia na C.A. de Galicia*).

- l) Alumnado de anos anteriores en posesión de títulos, diplomas ou estudos equivalentes ao título de Bacharelato do Sistema Educativo Español, procedentes de sistemas educativos de estados que non sexan membros da UE cos que non se teñan subscrito acordos internacionais aplicables ao respecto, que desexe mellorar a súa cualificación. Poderán matricularse unicamente da Fase Específica. (*Deberá acreditar a súa residencia na C.A. de Galicia*).

Esta matrícula efectuarase preferentemente a través da aplicación Nerta ou no LERD correspondente (especificanse no **Anexo I**), que son os Lugares de Entrega e Recollida de Documentación habilitados en cada un dos sete campus de Galicia, en horario de 9,00 a 14,00 horas.

**B) MATRÍCULA ORDINARIA:** Poderán matricularse **no prazo de Matrícula Ordinaria, do 24 ao 31 de maio**, as persoas que se atopen na seguinte situación:

- Alumnado de centros da C.A. de Galicia que teña superado o Bacharelato na convocatoria de xuño de 2016.

- Alumnado de centros da C.A. de Galicia que, na convocatoria de xuño de 2016, obteñan a dobre titulación: Bacharelato Español e Baccalauréat francés que queiran acceder á universidade co Baccalauréat francés e queiran mellorar a súa nota [Poderán matricularse unicamente da Fase Específica].

Procedemento:

- 1º) **Prematrícula** polo alumnado nos centros de secundaria, no prazo do **24 ao 27 de maio**, no correspondente centro de Educación Secundaria.
- 2º) **Matrícula** nos LERD polos Centros: Finalizado o proceso de prematrícula do alumnado, os centros de Educación Secundaria **enviarán** ao LERD correspondente a documentación no prazo do 27 ao 31 de maio.

**C) MATRÍCULA EXTRAORDINARIA:** Poderá matricularse **no prazo de Matrícula Extraordinaria, o día 6 de xuño** (das 9.00 ás 14.00 h.), o alumnado de centros de Galicia que aprobe o segundo curso de Bacharelato despois da resolución emitida pola Dirección Xeral de Centros e Ordenación e Innovación Educativa das reclamacións ás cualificacións do Bacharelato.

## 2.- DOCUMENTOS PARA REALIZAR A MATRÍCULA

### - Comúns para todos os estudantes:

- \* Fotocopia do DNI ou Pasaporte.
- \* Resgado acreditativo de ter aboados os prezos públicos de matrícula ou, no seu caso, documentación que acredite a exención destes segundo o estipulado nesta convocatoria de matrícula.
- \* Impresos de prematrícula e matrícula na PAU: se deberán cubrir os datos persoais, académicos e de matrícula para a PAU.

(Utilizarse para isto unicamente o impreso oficial que se facilitará nos centros de ensino secundario, nos LERD ou que se xerará a través da aplicación Nerta).



## 2.1.- Específicos (Matrícula Anticipada):

### a) Alumnado dos centros de Bacharelato da C.A. de Galicia que teña aprobado o Bacharelato ou equivalente en anos anteriores, pero non a PAU:

- \* Fotocopia compulsada do Título de Bacharelato ou, no seu caso, resguardo acreditativo de ter efectuado o depósito deste.
- \* Certificación expedida polo centro onde consten as cualificacións dos dous cursos do Bacharelato ou equivalente.

O alumnado de Bacharelato LOE presentarase á PAU polo mesmo centro no que cursase o segundo curso do Bacharelato, agás os que teñan solicitado presentarse polo centro máis próximo ao seu lugar de residencia.

### b) Alumnado dos centros de Bacharelato da C.A. de Galicia que tendo aprobada a PAU desexe mellorar a súa cualificación.

- \* Fotocopia compulsada da Tarxeta de Cualificación da PAU.

### c) Alumnado dos centros de Bacharelato de fóra da C.A. de Galicia que tendo aprobada a PAU desexe mellorar a súa cualificación.

- \* Fotocopia compulsada da Tarxeta de Cualificación da PAU.
- \* Acreditación da súa residencia actual en Galicia.
- \* Resolución da Inspección da Consellería de adscrición ao centro polo que concorrerá á proba.

### d) Alumnado procedente de ordenacións educativas anteriores (PREU, COU, LOXSE, MÚSICA e DANZA) en posesión do título de Bacharelato ou equivalente:

#### -O alumnado de PREU, COU e LOXSE

- \* Fotocopia compulsada do Título de Bacharelato ou, no seu caso, resguardo acreditativo de ter efectuado o depósito deste.
- \* Certificación expedida polo centro onde consten as cualificacións dos dous cursos do Bacharelato ou equivalente.

*O alumnado de PREU, COU e Bacharelato LOXSE presentarase á PAU polo mesmo centro no que cursase o PREU, COU e/ou segundo curso do Bacharelato, agás os que teñan solicitado presentarse polo centro máis próximo ao seu lugar de residencia.*

#### -O alumnado de Música e Danza:

- \* Resolución da Inspección da Consellería de adscrición ao centro polo que concorrerá á proba.
- \* Certificación de estar en posesión do Título de Bacharelato ou equivalente.
- \* Certificación das cualificacións obtidas nos seus estudos do 3º Ciclo de Música ou Danza.

### e) Alumnado de FP de anos anteriores que estea en posesión do título de TSFP, TS Artes Plásticas e Deseño ou T. Deportivo Superior ou equivalente e desexen realizar a Fase Específica da PAU:

- \* Certificación expedida polo centro das cualificacións obtidas nos respectivos estudos, segundo o modelo oficial que se facilitará pola CiUG aos centros.
- \* Acreditación de ter aboadas as taxas para a expedición do título.

**O alumnado de centros de fóra da C.A. de Galicia deberá aportar, ademais:**



- \* Certificación expedida polo centro das cualificacións obtidas nos respectivos estudos, para os estudantes de Ciclos Formativos de Grao Superior na certificación deberán constar as cualificacións obtidas nos Módulos.
- \* Acreditación da súa residencia actual na C.A. de Galicia.
- \* Resolución da Inspección da Consellería de adscrición ao centro polo que concorrerá á proba.

**f) Alumnado de FP do ano en curso pertencente a centros da C.A. de Galicia que estea en disposición de acadar o título de TSFP, TS Artes Plásticas e Deseño ou T. Deportivo Superior ou equivalente na convocatoria de xuño de 2015 e desexen realizar a Fase Específica da PAU:**

- \* Certificación académica oficial provisional expedida polo centro na que conste a superación de todos os módulos que compoñen o ciclo formativo de que se trate, a excepción: a) para os TSFP do de Formación en Centros de Traballo e, no seu caso, do módulo do proxecto; b) para os TS Artes Plásticas e Deseño ou de formación práctica en empresas, estudo e talleres e o módulo de proxecto integrado; c) para os T. Deportivo Superior os módulos de formación práctica e de proxecto final, (segundo a Orde do 24 de marzo de 2011, DOG luns 4 de abril de 2011).

**g) Alumnado de anos anteriores en posesión do título de Bacharelato Europeo en virtude das disposicións contidas no Convenio polo que se establece o Estatuto das Escolas Europeas, feito en Luxemburgo o 21 de xuño de 1994 e/ou alumnado que obtiveran o Diploma do Bacharelato Internacional, expedido pola Organización do Bacharelato Internacional, con sede en Xenebra (Suiza) e o alumnado procedente de sistemas educativos de estados membros da Unión Europea ou estados cos que se teñan suscrito acordos internacionais aplicables ao respecto, que cumpran os requisitos esixidos nos seus respectivos sistemas educativos para acceder ás súas universidades, que desexe mellorar a súa cualificación mediante a realización da Fase Específica:**

- \* Credencial expedida pola UNED na que conste que o alumnado cumpre os requisitos de acceso á universidade no sistema educativo de orixe.
- \* Documento expedido pola Inspección da Consellería de Educación e Ordenación Universitaria que acredite a súa adscrición a un centro de Bacharelato desta Comunidade Autónoma.
- \* Acreditación da súa residencia actual na C.A. de Galicia.
- \* Resolución da Inspección da Consellería de adscrición ao centro polo que concorrerá á proba.

**h) Alumnado de anos anteriores en posesión de títulos, diplomas ou estudos equivalentes ao título de Bacharelato do Sistema Educativo Español, procedentes de sistemas educativos de estados membros da UE ou de estados cos que se teñan suscrito acordos internacionais aplicables ao respecto, que non cumpran os requisitos esixidos nos seus respectivos sistemas educativos para acceder ás súas universidades, e**

**i) Alumnado de anos anteriores en posesión de títulos, diplomas ou estudos equivalentes ao título de Bacharelato do Sistema Educativo Español, procedentes de sistemas educativos de estados que non sexan membros da UE cos que non se teñan suscrito acordos internacionais aplicables ao respecto, que desexe mellorar a súa cualificación mediante a realización da Fase Específica:**

- \* Homologación do título, diploma ou estudo obtido ou realizado en sistemas educativos estranxeiros.



- \* Documento expedido pola Inspección da Consellería de Educación e Ordenación Universitaria que acredite a súa adscrición a un centro de Bacharelato desta Comunidade Autónoma.
- \* Acreditación da súa residencia actual na C.A. Galicia.
- \* Resolución da Inspección da Consellería de adscrición ao centro polo que concorrerá á proba.

Nota: As Universidades poderán admitir con carácter condicional a estes estudantes sempre que acrediten ter presentado a correspondente solicitude da homologación mentras se resolve o procedemento para dita homologación (Art. 4 do RD 412/2014, de 6 de xuño).

## 2.2.- Específicos (Matrícula Ordinaria e Extraordinaria):

**- Alumnado de centros da C.A. de Galicia que teña superado o Bacharelato ou a dobre titulación Bacharelato Español e Baccalauréat francés na convocatoria de xuño de 2016:**

- \* Fotocopia do Título de Bacharelato / Baccalauréat francés ou, no seu caso, resguardo acreditativo de ter efectuado o depósito deste. De cara a axilizar o proceso, estes resgardos individualizados pódense substituír por unha certificación do centro na que conste que todos os alumnos/as teñen feito o depósito do título do Bacharelato.
- \* Os/as **representantes dos centros** acompañarán a matrícula dunha **listaxe de alumnos matriculados na PAU** con indicación do DNI, apelidos e nome, materia de modalidade elixida na fase xeral, lingua estranxeira, modalidade de texto elixido (filosófico ou histórico), exención de Lingua Galega (se é o caso) e importe das taxas aboadas ou xustificante de exención (se é o caso). Este listado poderá ser xerado a través da aplicación informática Nerta.

## 3.- REQUISITOS QUE DEBE REUNIR A DOCUMENTACIÓN

**- PRESENTACIÓN DA DOCUMENTACIÓN:** de conformidade co disposto no *artigo 38.4 da Lei 30/1992, de Réxime Xurídico das Administracións Públicas e do Procedemento Administrativo Común*, os **documentos que se dirixan á CIUG**, ademais de nos LERD indicados no **Anexo I**, poderán presentarse nalgún dos seguintes rexistros:

- Nos Rexistros xerais das tres universidades do SUG ou nos rexistros auxiliares.
- Nos Rexistros oficiais da Administración Xeral do Estado ou das Comunidades Autónomas.
- Nos Rexistros de entidades que integran a Administración Local, sempre que se asinase o oportuno convenio.
- Nas Oficinas de correos de España, na forma que regulamentariamente está establecida.
- Nas Representacións diplomáticas ou oficinas consulares de España no estranxeiro.

**- COMPULSAS OU COTEXO DE DOCUMENTOS EXPEDIDOS EN ESPAÑA:** só serán válidas as compulsas que realicen os seguintes órganos ou unidades administrativas:

- Rexistros relacionados no apartado anterior.
- Unidade administrativa onde se tramita o expediente.
- Organismo español que expediu o documento.
- Notarios españois.
- Representación diplomática española, no caso de que se presente no estranxeiro.

Non se admitirá ningún documento compulsado ou cotexado por órganos ou unidades administrativas distintas ás citadas neste apartado. Neste caso, requirirase a presentación do



orixinal para a súa comprobación pola unidade administrativa que ten encomendada a súa tramitación. Tamén se requirirá a presentación do orixinal cando nas copias compulsadas non se identifique claramente o organismo que expide a compulsas ou o cargo, nome e apelidos de quen as asina.

#### 4.- PREZOS PÚBLICOS

De conformidade co disposto no Decreto 90/2015, do 18 de xuño, polo que se fixan os prezos correspondentes aos estudos conducentes á obtención de títulos oficiais no ensino universitario, da Consellería de Educación e Ordenación Universitaria (DOG nº 123 do xoves, día 2 de xullo de 2015), o importe do prezo de matrícula para estas probas é de **63,67 euros**.

O aboamento de prezos deberá facerse no impreso establecido.

##### - Axudas para o pagamento de Prezos Públicos por Servizos Administrativos:

- Familia numerosa - Categoría Xeral .....	<b>31,84 euros</b>
- Familia numerosa - Categoría Especial .....	<b>Gratuíta</b>
- Persoal das Universidades do SUG .....	<b>Gratuíta</b>
- Persoas con discapacidade ( $\geq 33\%$ ), vítimas de terrorismo ou de violencia de xénero .....	<b>Gratuíta</b>

Os membros de **familia numerosa de 1ª e 2ª Categoría Xeral**, así como os de **Familia Numerosa de Honra Categoría Especial**, beneficiaranse da redución ou exención correspondente, de acordo coa normativa específica.

Tamén serán beneficiarios das axudas para o pagamento de Prezos Públicos por Servizos Administrativos, todas as persoas que estean contempladas nalgún suposto das "Convocatorias de axudas e subvencións de Prezos Públicos" de calquera das tres universidades públicas do SUG para o presente curso académico segundo o establecido no Decreto 90/2015, do 18 de xuño, polo que se fixan os prezos correspondentes aos estudos conducentes á obtención de títulos oficiais no ensino universitario, da Consellería de Educación e Ordenación Universitaria (DOG nº 123 do xoves, día 2 de xullo de 2015).

- (1) Os beneficiarios/as de Familia Numerosa de Categoría Xeral e de Familia Numerosa de Categoría Especial deberán achegar, no momento da matrícula, xunto co xustificante bancario, fotocopia compulsada do carné de Familia Numerosa.
- (2) O Persoal docente e de administración e servizos, os seus fillos, así como o seu cónxuxe ou persoa con análoga relación, das tres Universidades de Galicia terá a matrícula gratuíta. A gratuidade deberá acreditarse mediante certificación dos respectivos Servizos de Persoal e, no caso de cónxuxe e fillos, ademais, por medio da fotocopia do Libro de Familia.
- (3) A condición de persoa con discapacidade ( $\geq 33\%$ ), de vítima de acto terrorista ou de vítimas de violencia de xénero acreditarase coa correspondente resolución administrativa pola que se recoñece a condición correspondente que deberá presentarse, necesariamente, no prazo de matrícula fixado, para que teña eficacia.

#### 5.- LISTAXES DE MATRICULADOS

- **30 de maio:** O alumnado deberá revisar os datos contidos nas listaxes de matriculados que se farán públicos nos centros de ensino secundario o día 30 de maio, a partir das 9.00 horas, puidendo interpoñer -no seu centro- reclamación aos mesmos, ata as 14.00 horas dese día.

- **3 de xuño:** Consulta en NERTA das listaxes provisionais de matriculados.

#### 6.- EXAMES. GRUPOS DE ALUMNOS E CENTROS NOS QUE SE INTEGRAN

O alumnado matriculado nestas probas convócase para realizar os correspondentes exercicios formando grupos, integrado cada un deles por centros de ensino secundario e distribuídos por Comisións Delegadas segundo se indica no **Anexo II**.



## 7.- CALENDARIO E HORARIO DOS EXAMES

- **Calendario:** os exames terán lugar os **días 8, 9 e 10 de xuño**.
- **Horario:** o horario dos exames especificase no ANEXO III.

## 8.- PRESENTACIÓN DOS ALUMNOS/AS AOS EXAMES

**Todos os alumnos/as deberán acudir á presentación o primeiro día as 9.00 horas e logo presentarse á realización dos exercicios á hora convocada para o comezo de cada un deles, e deberán concorrer provistos do DNI ou pasaporte, pluma ou bolígrafo, e de material axeitado para realizar as probas correspondentes ás materias de Debuxo e ás específicas da modalidade de Artes do Bacharelato, así como dicionarios de Latín e Grego para a realización dos exames.**

**Non está permitida a asistencia aos exames con teléfonos móbiles nin outros dispositivos electrónicos, excepto calculadoras non programables. O incumprimento desta norma poderá ser motivo de medida disciplinaria.**

## 9.- PUBLICACIÓN DAS CUALIFICACIÓNS DOS EXAMES

Unha vez rematadas as probas, as cualificacións obtidas polo alumnado faranse públicas na Internet o día **17 de xuño**, a partir das 20.00 horas.

Os centros de ensino secundario poderán consultar e imprimir unha **copia da acta de cualificacións da PAU** correspondente ao seu centro directamente a través da aplicación informática NERTA.

O día **23 de xuño** faranse públicas as cualificacións despois da resolución das solicitudes de segunda corrección e das solicitudes de reclamación (a partir das 13.00 horas).

As cualificacións definitivas despois das reclamacións ao resultado da segunda corrección faranse públicas o día **30 de xuño** (a partir das 15.00 horas).

## 10.- ENTREGA DAS TARXETAS DE CUALIFICACIÓN

O día **21 de xuño**, os LERD enviarán por correo aos centros de ensino secundario as *Tarxetas de Cualificación da PAU*.

Posteriormente, o día **27 de xuño**, os LERD remitirán aos centros de ensino secundario as *Tarxetas de Cualificación da PAU con modificación de nota despois do primeiro prazo de revisión das cualificacións*.

Finalmente, o día **1 de xullo**, os LERD remitirán aos centros de ensino secundario as *Tarxetas de Cualificación da PAU con modificación de nota despois da segunda revisión das cualificacións*.

## 11.- REVISIÓN DAS CUALIFICACIÓNS

- **SOLICITUDES DE RECLAMACIÓN E SEGUNDA CORRECCIÓN (primeiro prazo):** Unha vez publicadas as cualificacións das probas, o alumnado, cando considere incorrecta a aplicación dos criterios xerais e específicos de corrección, poderá presentar no prazo de tres días hábiles contados a partir da data de publicación das cualificacións, **solicitud de segunda corrección** a unhas materias e **solicitud de reclamación** a outras materias distintas. O alumnado **non poderá presentar simultaneamente** solicitude de dobre corrección e solicitude de reclamación **sobre unha mesma materia**.

O **prazo de presentación das solicitudes de segunda corrección/reclamación**, perante o presidente do Tribunal Único, será de tres días hábiles, contados a partir da data de publicación das cualificacións (**do 18 ao 21 de xuño**).



Os exercicios sobre os que se presente a solicitude de reclamación serán revisados por un profesor ou profesora especialista distinto ao que realizou a primeira corrección, co obxecto de verificar que todas as cuestións foran avaliadas cunha correcta aplicación dos criterios xerais de avaliación e específicos de corrección, así como a comprobación de que non existan erros materiais no proceso de cálculo da cualificación final. A cualificación definitiva da materia será a que resulte desta revisión, sempre que sexa superior á outorgada despois da primeira corrección, agás nos casos de erros de suma no que a cualificación será a que resulte correcta.

Os exercicios sobre os que se solicítase a dobre corrección serán corrixidos por un profesor/a especialista distinto ao que realizou a primeira corrección. A cualificación resultará da media aritmética de ambas as correccións, agás nos casos de erros de suma, en que a cualificación será a que resulte correcta e non a media aritmética.

No suposto de que existise unha diferenza de dous ou máis puntos entre ambas as cualificacións, un tribunal distinto efectuará unha terceira corrección. A cualificación final será a media aritmética das tres cualificacións.

Este procedemento efectuarase no prazo máximo de cinco días hábiles, contados a partir da data de finalización do prazo establecido anteriormente.

**- SOLICITUDES DE RECLAMACIÓN Á SEGUNDA CORRECCIÓN (segundo prazo):** No prazo de tres días hábiles contados a partir da data de publicación da resolución da segunda corrección (**do 27 ao 29 de xuño**), o alumnado que non estea conforme coa cualificación poderá presentar, ante a Comisión Organizadora, **solicitude de reclamación sobre materias nas que previamente solicitase segunda corrección**. A cualificación será a que resulte desta revisión, sempre que sexa superior á outorgada despois da dobre corrección, agás nos casos de erros de suma, en que a cualificación será a que resulte correcta.

As **solicitudes de segunda corrección** e de **reclamación** poderanse facer a través da **aplicación informática NERTA**, empregando o seu **código de acceso**, ou nos **LERD**, solicitando e empregando os **impresos específicos**. No caso de presentar as solicitudes na Internet, o alumnado deberá imprimir copia da súa solicitude en calidade de resguardo e xustificación de presentación da mesma.

Contra a resolución adoptada pola Comisión Organizadora, que porá fin á vía administrativa, poderá interpoñerse recurso potestativo de reposición no prazo dun mes perante a propia Comisión. Neste caso non se poderá interpoñer o recurso contencioso-administrativo mentres non se dite resolución expresa ou presunta do recurso administrativo de reposición.

## 12.- COMISIÓN ESPECIAL PARA ALUMNOS CON MINUSVALÍA QUE O SOLICITEN

Habilitarase unha Comisión Delegada no centro "CPR Santiago Apóstol - ONCE" (Pontevedra) e, de ser o caso, na Facultade de Dereito da Universidade de Santiago de Compostela, onde o alumnado que expresamente o solicite e o acredite convenientemente terá a posibilidade de dispoñer das adecuacións de tempo e medios que permitan ao alumno/a con minusvalía facer as probas en igualdade de condicións que o resto do alumnado.

Santiago de Compostela, 3 de maio do 2016  
Presidente da CiUG

  
Luis María Hervella Torión

**CiUG**  
COMISIÓN INTERUNIVERSITARIA  
DISTRITO UNIVERSITARIO ÚNICO  
GALICIA